

Le Romengero maškardhemutno d'ives

Le Romengero maškardhemutno d'ives mulatinen o Roma pre calo svetos ochto apriloste. Oda d'ives pes zgejle o Roma Londinoste, andro berš 1971, u zathode peskeri maškardhemutni organizacija – Romani International Union (IRU, Romano maškardhemutno jekhipen). Kamenas feder dživipen predal savore Roma. Tiš phende, kaj kamen, kaj o gadže le Romen te vičinen „Roma“ a na „Cikáni“ abo „Gypsies“ (a sojegaver), phende, kaj calo svetos kempel te priačhel pr'oda, hoj andro dujto svetoskero mariben o Nacisti našavenas le Romen vaš lengeri rasa, avka sar le Čhinden, u avka kaj kempel te del kole Romenge, so predžid'ile pativ a te poťinel avri lengeri kompenzacija). Phende tiž, hoj le Romen hin peskeri vlajka the jekhetanard'i gil'i (e himna).

Le Romengero maškardhemutno d'ives sas thodo andro berš 1990 – o Roma, so pes zgejle Varšavate, pre la Jekhtanipnaskero kongresis, pes dovakerde, hoj avka leperena o peršo romano maškardhemutno zgejlipen.

O Roma ke amende kada d'ives l'ikeren sako berš imar beršestar 1999.

Sako berš amen, o Roma, dovakeras, so pre amaro d'ives keraha jekhetanes.

Jekhvar o Roma pre cal'i luma pro Romano maškardhemutno d'ives čhivenas pro dilos o kvitki andro pañi. Aver berš savore Roma labarenas momel'a. So hin al'e pre kada d'ives nekfeder? O Roma pre cal'i luma sikhaven amaro barvalipen, mulatinen, khelen, gil'aven u rado pen dikhen.